


北京圖書館出版社

福建師範大學圖書館藏
稀見方志叢刊



方寶川
陳旭東◎主編

福建師範大學圖書館藏
稀見方志叢刊

方寶川

陳旭東◎主編

18

北京圖書館出版社

流寓

唐

熊秘乾符間官至右散騎常侍兵部尚書因黃
巢亂自南昌避地入閩至義寧愛其山水遂
卜居焉名曰熊屯鰲峰書院其所建也子衮
傳見孝友舊志未載今從潭陽文獻補錄

翁邨字季長長安人唐昭宗朝官至朝請大夫

檢校尚書左僕射河西節度使朱梁僭竊耻
事二姓以父祖官聞知其地僻靜可以避亂
遂携家至建陽之考源後徙居義寧苦口子
師因師造師瑕師因官建州都押衙裔孫泳
傳見儒林有志泰潭陽文獻

劉翔字未詳京兆人少警穎辟山南節度幕官
時岷寇據雲安翔引兵破城裨將歆屠之翔
不許但除首惡所全活甚衆河西民多溺子
者翔嚴其禁俗迺革某官至某封開國公所
得祿志分遺宗戚家無餘藏昭宗季年與弟

金吾將軍翔將作監簿遜入閤翔卜居崇安
五夫里號東族翔居建陽麻沙遜居建陽馬
伏號西族翔一日舟行長平見有欲赴水死
者詰其所苦云負錢無償也翔代償之其入
得以不死事見明太宗為善陰陽錄舊志

黃子稜字元威官侍御史五季時中原亂隨父
禮部尚書某公入閤見建陽山水秀麗遂卜
居焉有東觀山詩一首今東觀山即其故址
也舊志未載今從潭陽文獻補錄 詩錄山

川志

宋

朱松字喬年徽州婺源人少有高志稍長為文
輒驚其長老詩不事雕飾而天然秀發凡前
輩之以詩鳴者得交口譽之愛賈長沙陸宣
公奏疏遂博觀經史以求國家理論之原政
和八年第進士授建州政和縣尉父森卒於
官時值兵亂不能歸遂葬於邑之護國寺而
賃居以守焉服除調尤溪尉時御史胡世將
撫諭東南松謁而說之曰今日廟堂之議但
歛襟憑江漢控引荆襄以保東南而已卒抑

當克復神州迅掃陵闕據中原而撫三河也
不取關中中原不可復不取荆淮東南不可
保今進不能通道荆襄循漢沔以赴興元結
連拓跋控引五疎東向以圖中原退又不能
移輝建康治兵訓武北爭荆淮以為固守之
計而但糜廩一方費日月於道途未知漂漂
者竟何如耶紹興四年除正字累遷吏部員
外郎會虜使議和松樓疏言虜之和使節秦
之衡人秦檜怒諷言者論松懷異自賢出知
饒州嘗自謂卞急害道取古人佩韋之義以

名齋後嘗從羅豫章遊得聞楊龜山河洛之
學益自振勵初仕間往來延建間興考亭陳
卓二氏相往還歟卜居未就晚寓建州城南
編摩不輟寒暑疾革託文公於胡籍溪劉白
水劉屏山三先生卒累贈通議大夫元至正
追謚獻靖改封魯國公明嘉靖九年詔從祀
啟聖公祠止稱先儒朱氏所著有韋齋集十二卷
舊志泰澤陽文獻

呂祖謙字伯恭其先河南人後徙金華與朱文
公張敬夫友善嘗寓建陽與朱子編近思錄

於寒泉精舍久之乃歸時稱東萊先生 舊志
未載今從閩書補錄

方士繇字伯謨莆田人父豐之娶建陽呂氏女
士繇少孤依母家後遷崇安籍溪從朱子遊
往來邵武建陽間子正父講學黃幹之門勉
齋稱其剛毅不苟可為領袖 舊志

黃幹字直卿其先三山人御史瑀之第四子也
往清江見劉子澄子澄奇之曰子乃遠器時
學非所以處子也盡受業於朱元晦直卿白
母即行既至時大雪而朱子他出乃留邸待

之凡三月不懈自執轡後夜不設榻不解帶
少倦則危坐一椅或至達曙朱子語人口直
卿志堅忍苦與之處甚有益及張敬夫棧亡
朱子與之書曰吾道日益孤所望於賢者不
輕後以女妻之丁母憂學者從講於墓廬甚
衆朱子作竹林精舍成道之書有他時代即
講席之語及編禮獨以喪祭屬之編成朱子
見而喜曰所立規模次第總密有條理他日
當取所編家鄉邦國王朝禮志倣此更定之
病革授之深衣及所著書手書與訣曰吾道

之託在此無憾矣幹主喪畢率諸生構草堂
於考亭側為服心喪三年歷官臨川新淦令
及判安豐里決和州疑獄知安慶時力請劍
城以備戡守迨金人破黃州獨安慶得全霖
潦月餘城屹然無虞郡人德之曰不殘於寇
不陷於水生我者黃父也所至重庠序先教
養閱士卒會僚佐講完邊防利病暇則討論
經史軍民翕然歸之嘗謂李珣五閩失守則
斬黃決不可保斬黃不保則江南危言皆激
切為同幕所忌除大理丞轉承議郎致仕卒

贈朝奉郎幹嘗入廬山訪友人李燔陳沁相
與周旋玉潤三峽間俯仰朱子舊蹟即白鹿
洞書院誦乾坤二卦山南北之士皆來集晚
年家居弟子日盛至偕鄰寺處之晝編禮著
書夜與講論經禮質疑請益無虛日所著有
四書通釋儀禮通解等書行於世謚文肅學
者稱勉齋先生從祀考亭祠

周朝雍正三年從祀

孔子廟庭

舊志謚今從省府志參正

按黃文肅幹從朱子遊早而且久始則從

之潭溪繼乃倚寓茗口其後亦嘗住居
考亭王於生卒則皆在三山也具詳年
譜舊志乃載之列傳且謂文肅實隨其
父家建陽似誤今正之

曾松字堅伯章貢人幾之從孫以朝請郎江西
安撫司叅議致仕嘉定中寓居建陽東北之
竹原山竹原山者劉草堂之舊隱朱文公問
道之所也松愛其溪山之勝慨慕先賢之陳
迹築樂斯菴於其旁曰生以佚吾老歿以藁
吾骨也松為人倜儻有奇氣不為齷齪軟美

計顧毫末以自同於流俗其居官以才廉稱
其於勢利泊如也舊志畧今從黃勉齋先生
文集泰補（黃文甫幹曾氏築斯菴起）建陽
縣之東北有山口竹原草堂劉先生之隱居
庭菴朱先生執經問道之所也章貢曾君堅
伯爰其溪山之勝慨慕先賢之陳迹築菴於
其旁曰樂哉斯邱也生以供吾老強以藏吾
骨也子嘗與堅伯遊而深知其為人綢繆負
奇氣不為難難軟美計顧毫末以自同於流
俗其居官以才廉稱其於勢利泊如也考其

源流則又文清公之從孫習聞其家法而恪
守之故其教賢樂善雖老不忘而於死生之
變浩乎不以動其中也死生旦晝之常也古
之人夭壽不貳而修身以俟之耳曷嘗置喜
戚於其間哉鄙夫庸人生既無益於世而俳
細顧戀尤冀其久存於世蓋其識見既陋而
貪鄙之習沈痼而不能以自脫也觀於此則
堅伯之名其卷而自以為樂是不謂之賢乎
堅伯名松氣貌甚偉精力倍人猶可仕也自
以朝請郎江西安撫司叅議官請於朝遂致

仕去

張紹先古襄人嘗佐郡涇陵卜居崇化里建同
文書院逾百楹延四方賢士大夫以事之友
之不少懈舊志載然勿斯亦閒樂堂記聞之
說不載於六經不聞於三代東賓西饒左旋
右行在天無間日月一饋十起一沐三握在
人無閒聖賢昔者堯舜禹湯文武之君必有
宰益伊萊姬呂之臣以爲之輔兢兢尊尊疊
疊勉勉若惟見其有終身之憂而無一日之
樂者雖欲閒得乎秦漢而下人無宰物之情

間之一字往往為仙翁樵子墨客騷人借之
以為遺棄事物玩倡先景之地於是舉宇宙
間職分當為之事始有不得盡其分者矣古
襄張侯紹先雅愛東陽山水卜居崇川者十
有餘載歲在辛丑佐郡溫陵越一年得告歸
里有遊倦之心遂於居之東偏度地一弓構
堂數楹與賓客閑學自娛富貴利達泊如也
堂之左右竹徑連沼交迭映帶清芬茂陰一
觴一詠殆若翛然忘世者一日謂余曰余遭
盛明起家寒素五膺朝命從宦南方將三十